

李文恭公遺集

李文恭公詩集卷三目錄

湘陰李星沅石梧著

男

棨棨 梲梲

編次

五言律詩

丁丑元日

水月林夜坐

江干步月訪家可北不遇

秋日懷吳一瓊仙

宿旅店書壁

曉發

夢瀛秋弟却寄

予屢夢中見丙子笙  
愉貌忽忽不懌若有惜別之  
苦率書一律慰之

鳳灘

九里山

涪州晚泊

六月十四夜作

三首

立秋

雲陽道中

自柘木園至歸州

龍窩對月

自枝江至沙市

登岳陽樓次陶雲汀師題壁原韻

過洞庭

卷二十一  
抵家

夜起

卽事

將之資陽登舟作

對月懷旌榆

重陽二首

游裴公亭

夢游山寺得中四句遂卒成之

把劍

贈覺上人

冬夜懷秦半魯

久雨

四首

四月八日喜郭芝畹過訪

一首

驟雨

朗川昭王雲樵徵士

卽景

望桃源

登漳江閣

遇大風作

舟中見月有懷

大油溪

卽席有贈

次裴芥舟廣文夜游卽事原韻

四首

晚登見江亭

贈譚醒漁少尹

四首

書蔡黃樓兩湖小樂府後

贈別譚醒漁

和李竹溪師紀游

二首

長至寄笙愉

二首

立春試筆偕笙愉作

題朱嘯厓彈琴嘯月圖集王摩詰句

三首

再贈杜時山



長至湖上寄笙榆

漢上寄胡問鷗二首

自嘉魚解纜遇大風作

武昌訪蔡黃樓不果

夜起有懷

渡黃河

車中雜詩六首

汶上遇雪

石門

鄴下懷建安諸子

江上懷羅三荆畦

洞庭湖

和笙愉秋夜寄懷原韻

沅州道中

曉過瀘溪

月夜泛舟

夢杭兒

和郭芝畹見懷韻

孫邵吾客新平以詩見懷依韻畱之

四首

和朱同木見懷韻

同木以詩招飲畱之

送勞次山之巴陵卽用胡問鷗柬朱同木韻

夜坐柬王孟巖

花朝夜飲

芝畋下第詩以慰之卽和其游麓山韻一首

畱別長太子明四首

懷賀虎師

鴨闌磯曉發

泊黃陵廟

題李海帆觀察海上釣鼈圖四首

題陳景初二尹武陵集

題蝸寄圖

題乘風破浪圖

題湯海秋儀部詩卷

奉

命典試四川恭紀

四首

白河曉發

山行

四首

霍山曉行

自杜鎮至樊橋

自武功至扶風

弄玉吹簫臺

棧道紀行

二十首

沔縣謁武侯祠

初入成都

忽覺

興平道中

故關

題蔣小榭小紅雪樓圖

喜楊芝樵至用寄羅荆畦韻

題厲冠卿太守七世讀書圖

題姚庶常遺照

夢得起句卒成

樂昌道中

小舟戲柬笙愉

白馬瀧

韓寵

小舟撥悶

曉行

生春詩二十首

續和十首

游金山題壁四首

甲辰秋闈贈主試甘薪圃太史二首

贈主試陳子嘉太史二首



邢臺懷陳海陽

送羅五芝麓還長沙

二首

別吳門同官諸子

舟過鎮江

廣濟道中

二首

武昌贈陳花農

東道

萬年庵和吳荆山前輩韻

別大姊二妹

別兩弟

辰龍關

安順道中

白水河望瀑布

郎岱道中

松歸關

題歸易民傳笏圖

題謙谷上人梯山航海圖

贈于蓮亭前輩將游茅山

送黎樾喬侍御南歸

自題袁浦泛月圖

答法可盦觀察仍用袁浦泛月韻

李文恭公詩集卷三

五言律詩

丁丑元日

紫皇騎玉龍  
貽我雙青童  
相逢似相識  
二十度春風  
醉酒霞漿碧  
燈花雪案紅  
願持千歲葉  
言壽九華宮

水月林夜坐

夜色涼如水  
懷人欲二更  
樹疎鴉有夢  
香散佛無聲  
詩思先秋冷  
禪房得月清  
呼奴重煮茗  
相對酌幽情

江干步月訪家可北不遇

江月扶雲出山光聚一亭人家圍遠樹漁火散疎星言  
訪龐公宅幽棲戶已扃徘徊歸路晚烟外數峰青

秋日懷吳一瓊仙

故人不可見十日秋陰生歡會尙如昨他鄉空復情檐  
端積寒雨暝色隱孤城撫景一搔首哀鴻唳遠征

宿旅店書壁

燐火照荒邨邨鐘尋到門雨聲敲夢碎風勢挾濤奔羅

帶啼山鬼楓林泣暮猿隔窓起長嘯生恐是吟魂

曉發

曉起入天半狂游得未曾濕雲忙似鳥亂石禿如僧訪  
寺留題少披衣宿霧蒸昔賢驅九折吾亦願飛騰

夢瀛秋弟却寄

廿載姜家被曾無一夕孤北風吹短褐落日在長途憶  
汝嵇康懶兼之辛大迂五溪魂夢裏猶爲共踟躕

予屢夢中見內子笙愉貌忽忽不懌若有惜別

之苦率書一律慰之

迢遞千山別叮嚀一紙書晨昏勤奉母眠食莫愁予擁  
髻花開候題詩月上初不堪頻夜夢何事淚盈裾

鳳灘

灘勢盤渦曲胡爲以鳳名舟從巖際落石與亂流爭山  
負擎篙力天昏轉柁聲風波仗忠信聊自問平生

九里山

突兀一山上紆迴九里程雲穿猿臂落石鑿虎牙撐薊

草翻殘照棕花襯晚晴幾家推髻女背梳唱行行

涪州晚泊

涪州今夜宿寒色上江船水遠棲烟重山高得月先拆  
聲醒旅枕鄉思逼殘年不見飛鴻過虛裁錦字箋

六月十四夜作

月色四千里離心一夜生不知何處笛吹動故關情泥  
爪留行跡刀頭望遠征徘徊正無限涼露下三更

舊事如今日新人憶去年香羅褰袖薄粉莉壓釵偏綠



瀉瓊卮酒青鋪雪浪箋瑣窓簾不落留與話團圓  
聚散渾閒事悲歡祇自知烟痕欹樹密鐘響渡江遲劍  
鉞巴山道鱗鴻楚水涯嫦娥解人意兩地照相思

立秋

一葉辭桐樹蕭蕭井檻頭故園又秋信客子在江州冰  
簟懷前夢金釵卜遠遊天階風露永莫更倚南樓

雲陽道中

道出巴陽峽雲安此一隅環山起城郭傍水雜屠沽絃

管間仙吏帆檣入畫圖  
早春香米酒何處喚提壺

自柘木圍至歸州

巫峽連雲斷天光漸漸寬  
江明人影亂山暮燒痕殘路  
指歸州聞歌終蜀道難猶聞傳險語破曉下新灘

龍窩對月

一夜江千月團圓  
奈客何春燈圍蟹舍村鼓賽龍窩  
歸思三湘近年光一瞬  
過劇憐妝閣畔閒坐蹙雙蛾

自枝江至沙市

小艇支頤坐風徐浪不聞曉烟千樹合江水一支分人  
語喧沙市漁歌答浦雲君山青可接打鼓弔湘君

登岳陽樓次陶雲汀師題壁原韻

夫子曾游處高歌幾度秋我迴湘浦權重上岳陽樓風  
日開晴幌江山入海漚五雲搔首望迢遞動離愁

過洞庭

鶻唱白雲間重湖載酒還狂懷吞夢澤醉眼小君山月  
色一千里湘流卅六灣憑將好風力飛送到彤關

抵家

老屋認長沙平安一室誇慈親常健飯弱弟解持家蜀  
國新詩草春天舊院花壯游成底事回首惜年華

夜起

白露下黃葉霜寒生客衣馬鈴搖斷夢蛩語咽清幃良  
好念之子勝游相與違何時一尊酒情話欵荆扉

卽事

四壁靜無譁蕭然處士家雪深人沒脰冰凍樹生牙袖

手詩情減澆腸酒量加  
巡檐誰索笑閒煞小梅花

將之資陽登舟作

又放扁舟去寒光滿大隄  
冰花迎槳合雪絮壓篷低  
凍閣人聲寂溪沈暝色迷  
白鷗吾羨汝閒煞水田西

對月懷笙愉

月色淨如許浮空歛夕氛  
美人隔秋水清夢落湘雲  
入破誰家笛淒其不可聞  
團圓期已近莫惜玉釵分

重陽

催租人不到令節幾相忘秋老詩逾淡林深夢亦涼落  
霞棲遠浦疎柳挂斜陽怕上高臺望前峰似故鄉  
丹楓出雲際白雁下江皋破寂鐘聲晚攻愁酒力豪山  
容如客瘦爽氣覺天高畢卓空垂手從誰索鱗螯

游裴公亭

黃葉忽然落碧雲相與深林巒抱秋色竹樹俯庭陰樵  
唱入山響吹烟隔水沈裴公遺跡在覽古愜幽尋

夢游山寺得中四句遂卒成之

蠟屐訪山寺巖棲別有天楓林濃似畫竹屋小如船  
流水出寒澗斜陽入暝烟蒲團人對久靜極欲逃禪

把劍

把劍忽長嘯風塵孰可宗鹽車輕善馬畫稿誤真龍  
雅韻無如俗奇才只在庸那能登泰華雲海盪心胸

贈覺上人

五戒如塵縛三乘得解無講經天雨散出岫暮雲孤  
貝葉緘香寫梅花倩月扶浮生輪慧業約伴坐跏趺

冬夜懷秦牛魯

漏響傳銀箭嚴寒覺杪冬  
碧天流夜月清夢入霜鐘  
萬籟靜如許幽人隔幾重  
待攜尊酒過情話倚孤松

久雨

十日雨滂沱靈占豕涉波  
雲封暘谷暗月暈畢星多  
曲砌循苔蘚高墻倚薜蘿  
漏天今宛在鍊石補應訛  
蠟屐聲喧午曾無客到門  
琴牀回石潤衣褶卧霧痕  
寒亞清明重陰連白晝  
昏登樓聊望遠暮色在江村



野外行人渡舟橫喚不應潮生衝蟹斲風定續漁燈鐘  
梵響俱寂溪橋勢欲崩關心農作後秧馬徧田塍  
卑濕長沙地何堪積晦兼泥鬆盤蚓出壁腐篆蝸黏綠  
積槐安蟻青縈竹上鮎仗誰勤變理辛苦問窮簷

四月八日喜郭芝畹過訪

昔別鬼揶揄今來選佛俱春秋俄隔歲去住幾須臾目  
論空餘子心知感故吾與君拚盡醉遑問酒錢無  
磊落如吾輩乾坤放眼開炎趨皆熱劫肉食半庸才歲

月羞萍寄功名卜芋煨辰關重杖策駭馬寄詩來

驟雨

一雨下滔滔青天匹練高聲嚴長勺鼓勢壓廣陵濤  
滔滔急催銀箭巖傾瀉石槽飛空神物在吾欲跨金鰲

朗川晤王雲樵徵士

客裏重逢客裴回感不勝雀風殘暑退鴻雪舊游曾  
舫聚虹迷岸城高月射燈莫須訪三雅酒量未容升

卽景

築屋依山脚開門對水涯瓜牽三里蔓竹護數叢花樹  
密蟬逾靜籬疎犬不譁蒼苔隨意坐掃葉試烹茶

望桃源

滄烟凌夕起石塢在中洲雲壓山陰重江推日影流深  
林乍歸鳥細草尙眠牛指點桃源近芳磯暫泊舟

登漳江閣

暮色臨江迴浮空傑閣青漁梁踈雨滴鰕市晚風腥宿  
火明官堠荒烟接驛亭勞勞川上過塵夢幾時醒

閣西有川

上亭

遇大風作

月黑壞雲垂馮夷浪倒吹石鐘撞岸急鐵索繫舟危水  
力迴奔馬風聲撼簾箕臨淵展犀照神怪有蛟螭

舟中見月有懷

明月如憐我相隨過朗川願教千里共忍憶向時圓畫  
舫停長水羅幃伴獨眠夢中歸路近還照綺窓前

大油溪

此地前有議開礦者陶雲汀卽時  
在諫垣以逼近苗疆奏請封禁

天朝無鼎使地寶在荒山符瑞書全闕金銀氣自閒道  
捐三品貢令肅五溪蠻頌上防邊事霜威想豸班

卽席有贈

丫角仍嬌女胡爲蕩子行飄零如此輩苦惱定前生頰  
上霞初暈眉彎月未盈琵琶斜抱處一片可憐聲

次裴芥舟廣文夜游卽事原韻

出郭興飄忽笑囊載月行雲平鋪練影風細引鐘聲天  
宇淨如拭秋懷閒自生勝游當永夕莫問短長更

路轉飛虹曲，隔橋聞暗香。繁花開複郁，古幹立蒼蒼。  
坐久俗累遠，心清書味長。昔人傳手植，轉瞬百年強。

二老各天趣，鰲魚信所之。熱銷炎海劫，冷鬥雪霜姿。  
禪榻醒初夢，茶香瀹妙思。虎谿談笑劇，相對共忘疲。

我亦江湖客，擔簦合舊緣。不才居弟子，無事學神仙。  
浪跡隨鷗寄，幽棲愛鶴眠。凭闌招桂魄，今夕肯重圓。

### 晚登見江亭

杖藜人不見，今古此亭留。明月穿林出，空江入夜浮。  
桂

華三徑露柝響一城秋臨眺餘清興提壺約再游

贈譚醒漁少尹

天闢竟陵派茫茫二百年大文終不死嗣響到今傳俯仰雜悲喜高曾相後先聖童馳譽早拔地欲飛仙

忽作楚南行騰空虎劒鳴風塵容吏隱科目誤才名湖水吸將盡君山剡未平壯游椽筆在題徧馬王城

辰陽今夕住執手共長歎知遇千秋少英雄一飯難宦

途增閱歷世味感辛酸太息張夫子淒風白屋寒

更剪西窗燭黃樓夜歎關交情流水淡詩思暮雲間客  
月照鄉夢蠻天開笑顏清狂隨落帽何處不龍山

時九

書蔡黃樓兩湖小樂府後

熱淚灑江湘重溫屈宋香千秋三歎息一字九迴腸餘  
響答風雨奇情鑿混茫舉瓢斂金闕招我酌天漿

贈別譚醒漁

相聚忽相別相思可奈何秋風催短棹夕照下長河岸  
偏危峯仄灘廻怪石多朗川如寄訊天外雁聲過



和李竹溪師紀游

打漿問前渡溪流黃葉紛  
月光低墮水石氣細生雲蠻  
語沿村辨樵歌隔浦聞臨風一長嘯驚起鳳鸞羣  
小憇詢遺叟山居早閉門  
新炊商米價老樹滅刀痕俗  
儉風猶古時清夢不昏百年太平福飲水各思源

長至寄笙愉

鵲噪知春曉瓊閣乍理妝  
遠山描黛色初日掠釵光刺  
繡幃添線薰衣靜燕香若蘭詩好寄飛雁到辰陽

渡黃河

邊馬嘶官渡黃流動地來驚風飛石捲落日大荒開星  
宿探神海泥沙觸怒雷河防願安汎憑仗濟時才

車中雜詩

鄉夢不知處荒鷄一片聲騾綱搖月落孤火雜星明白  
草藏林屋黃沙亂驛程敝裘霜雪冷努力事宵征  
高下卧行轍雙輪震盪間泥深防滑滑車響答班班天  
遠日無色湖平雲不閉邳州戰爭地今古此殘山

會兆荏苒警蘆叢黑徑孤民窮甘草竊火急下公徒斥  
埃傳更肅戈鋌夾轡趨大官今露冕沈痼漸能蘇  
斥鹵濱青海牛耕不見春麥苗時被水村落忽逢人土  
薄芸生儉年荒菜色貧關心勤撫字吾亦歎勞薪  
午集兩三店炊烟約畧青杯盤蝸篆古粥飯馬沒腥雪  
積湯難沃風乾酒易醒解鞍愁向夕十里市門局  
長日車箱坐真堪偈仄何艱難肱幾折轉側髯相磨馬  
瘦芻芟少奴癡疾病多寒帷聊破寂好友結吟窩

汶上遇雪

雪意閣林杪蘆花生暮寒數家近城郭一水護沙灘人  
語市中靜鴻飛弋者難重尋高蹈意回首泰雲端

石門

天地誰知已蒼黃一宿過晨門頻歎息初日下林阿野  
曠行人少城危亂石多濁醪拚盡醉覽古發高歌

鄴下懷建安諸子

七子今誰在文章數建安南皮冠蓋杳北渚酒尊寒權

重論交易才高擇主難荒圻半榛棘無地屬曹瞞

江上懷羅三荆哇

江水一千尺交情爾許深唾壺今古恨餐飯弟兄心雄  
劍出真氣清琴餘大音七年歡會少別賦忍低吟

洞庭湖

一碧盪湖水軒轅何處臺山危孤髻聳風定萬帆開雲  
影擘飛絮天光入酒杯魚龍須穩護行子日邊回

和笙愉秋夜寄懷原韻

水落一江淺雲連萬壑深今宵望明月何處響清砧少  
婦機絲恨殘秋關塞心詩箋不成和聊與慰知音

沅州道中

銀箭走喧豗雙橈劈石開江昏萬峯逼雷動一灘來詩  
思摩天險鄉心逐歲回渡頭斜日上殘雪照溪梅

曉過瀘溪

小舟穿罅出初日擁雲行厓石側將墜灘流剗不平林  
猿如送客水鳴自呼名漸覺春風近瀘溪青菜生

夜月泛舟

一夜西湖口清流送客船江明帆影亂人定笛聲圓柔  
艣出烟際殘燈隱澗邊對茲生靜想霜月照娟娟

夢杭兒

憶汝垂髫好含飴奉祖慈學吟花欲笑問字母爲師解  
弄塗鴉筆何妨蠟鳳嬉阿耶歸日近昨夢捧書隨

和郭芝畹見懷韻

風雨暮蕭蕭重門萬里遙故人書問絕長日睡鄉消祇

自殷懷抱從誰破寂寥麓雲繞南郭悔不事肩樵  
北望太行高名心漸不豪傲緣奇懶飾情借老禪逃浪  
迹萍隨梗生涯鏡屈刀去年燕市夢花露點宮袍  
流水高山曲牙琴請再彈知音同輩少聚首近城難皎  
淚拋潛室蛛絲繫遠翰相憐尙餽餽燈影竹窻寒  
九載仙舟契詩筒數唱酬我如逢大敵天肯忌清流烟  
定茶毘院山橫橘浦樓多君挽銀漢替洗一春愁

孫邵吾客新平以詩見懷依韻畱之



歧路俄今別長安數舊游飛花落茵溷殘日度蘆溝野  
店雞催枕江颿龍負舟勞勞一年事遮莫上心頭

小聚復無幾街簷細雨昏澆春拚酒債呼月照詩魂偏  
負河梁約空添燭淚痕韝鷹與沙鴈淒咽忍同論

山縣何荒僻蒼茫歛住情蠻音獠女國鄉夢馬王城蘭  
膳足晨夕萊妻兼弟兄佳兒才學語已似鳳雛鳴

靜憶團欒樂遙傳寂歷歌文章縞客賤貧病故人多我  
亦樊籠坐尋常歲月過那能盪胸臆揮手接天河

和朱同本見懷韻

秋月不可醉秋聲淒壯心金風吹鴈語如聽武溪吟  
歡笑忽云舊睽離那克禁商量重九會南指麓山岑

同本以詩招飲畲之

垂楊在君肘猶自快持螯病骨九秋鍊詩情千古豪  
齋關嗤斷飲難字試題糕笑問東坡肉還能飽老饕

送勞次山之巴陵卽用胡問鷗東朱同本韻

一擊唾壺缺高歌行路難新知耐庸俗舊事雜悲歡大

雪渡湖水北風吹暮寒片帆邀我坐醉飲洞庭寬

夜坐柬王孟巖

簷滴尙殘雪復聞風雨聲寒宵閉門坐咫尺故人情小  
病逗香夢長吟驅酒兵春風明日到相約掃花迎

花朝夜飲

春半數今朝春愁一醉消流雲銜月冷小雨助花嬌撲  
蝶尋紈扇聽鶯話柳橋停杯重剪燭細認酒邊潮

芝𠵽下第詩以慰之卽和其游麓山韻

如何著破衫。麓寺手長鑿。雨下荆山淚。風回弱水帆。上  
竿心太苦。食肉口空饒。便訪橐駝叟。村居學種杉。  
一笑浮名幻。秋雲變白衣。青天奇句問。我亦謝元暉。小  
飲詩懷活。高眠熱夢稀。生涯如燕子。門戶傍誰飛。

留別長大子明

北望長安道。黃雲糝雪飛。因君不忍別。執手話依依。窓  
曉書聲熟。燈涼詩境微。晚秋催去燕。惆悵在烏衣。

投分如兄弟。情親已二年。敢當奇字問。聊藉聖童傳。香

火前生佛天風大海絃  
推敲曾幾度花雨落吟肩  
小立垂髫影金仙倚碧虛  
靈通冰泮後妙印月圓初  
鵲新題筆娜環舊讀書  
皋夔行接武莫愛注蟲魚  
奕奕韋平胄趨庭鯉對陪  
駒光珍日月龍變挾風雷  
智慧勤修福詞章肯算才  
登瀛試先導訪我上蓬萊

懷賀虎師

夜雨送歸船孤篷夜不眠  
嘉魚江上雪同聽五年前  
酒味新蒟熟茶香活火煎  
季真今薄宦秦嶺斷雲邊

鳴關磯曉發

野岸柝聲殘征颿上鳴關江流中夜急明月一船寒星  
淡天微曙風柔夢亦安君山青不遠把酒洞庭看

泊黃陵廟

雪浪擁山來天容鬱不開洞庭一歸櫂落日此銜杯黯  
黯黃陵暮蕭蕭斑竹哀試傳江上曲今古幾詩才

題李海帆觀察海上釣鼈圖

水氣湧魚龍搏桑碧萬重仙人不可卽瓊島開芙蓉振

袂倚蒼石垂竿拂紫茸今朝快遐想溟渤盪心胸  
明發又迢遞巖城啟節旄梅花殘歲別峒樹亂雲高春  
意喧村鼓歡聲應海濤溪苗新戴德願作負山鰲  
曾聞會稽子把酒誦公詩川嶽颯然動天風時一吹齋  
居愜幽抱琴理緬吾師安得刺舟去相從理釣絲  
我亦屠鯨者其如刺手何珊瑚一千尺倒影入蒼波破  
浪豪情在歸舟畫臺多忽興望洋歎回首笑岷峩

題陳景初二尹武陵集

去年秋八月曾放武陵舟把酒對清影高歌水調頭故  
人不可見咫尺抱離愁今夕展吟卷古琴彈獨游

題蝸寄圖

我欲排闥闔攜家天上居蕭然數間屋未肯言掃除蝸  
寄亦偶爾博陵兼富書放懷謝蠻觸海聚此蓮廬

題乘風破浪圖

白浪走風雷君行何壯哉雲驅萬峯立天畫一帆開我  
亦釣鼉客蓬瀛入酒杯相呼捉明月醉踏海潮回



題湯海秋儀部詩卷

宦味閒如許浩歌空古今風雲鬱奇抱天海盪孤琴與  
子三年別相思燕樹深寒宵倍振觸破壁有龍吟

奉

命典試四川恭紀

寵命注

丹臺雲飛朶殿高人文先蜀國

天語重詞曹秘書省書初讀宮衣

賜早叨

癸巳大考蒙恩賜錦四端

掄才儲杞梓肯憚役車勞

永念趨庭日名場感獨深荆山空涕淚燕樹遠蕭森孤  
露重摩壘真知少爨琴一般辛苦地何忍負初心

曾被飢驅我東川橐筆隨

予以巳卯庚辰從雲汀師游川東

奇情疏峽

口秀色奪我眉鴻爪痕如昨驪珠探恐遲浣花詩合補  
酌酒少陵祠

幸接臨汾彥同乘太乙蓮

副考彭君荷村山右人

倚裳過錦水振

策上青天益部占新識

甫得海帆觀察書有益部占星之語

師門數舊緣

時座主張曉瞻  
夫子守成都  
炳靈江漢在作貢有英賢

白河曉發

去去催人起浮梁渡白河  
雄疆分涿鹿小市雜明駝  
樹密月篩影水平風蹙渦  
鴻溝憑劃斷覽古發高歌

山行

石級峻嶒起危途此乍經  
雪翻綿水白天偏井陘青  
墟落數家聚關門半壁扃  
鹿泉凌曉發樹杪挂疏星  
自入土門口肩輿宛負舟  
崖懸盤馬急徑窄野猿愁  
薄

霧倏成雨荒村先欲秋頗疑州斗大何處湧雲樓  
七十二河水奔流孰淺深泥沙衝馬渡風雨助龍吟山  
勢有離合灘聲無古今芹泉知不遠一勺試同斟  
魚鱗高下屋陶穴古風存石卵環孤砦山腰鑿一門車  
搖嵐氣重炊濕晚烟昏何似桃源住桑麻課子孫

### 霍山曉行

一片芙蓉綠東南秀接天山蟠中鎮起月趁五更懸古  
墓迷苔蘚流泉蔭陌阡曉程嘶櫪馬驕蹇亦堪憐

自杜鎮至樊橋

炬火夜蕭蕭郵亭一騎過星光沈大野雲氣簇中條泥  
滑晴猶嫩涼生醉易消棗香吹不斷綠樹指樊橋

自武功至扶風

太白山頭雨微茫入暝烟石排千嶂立水束一城圓屐  
響喧苔磴泥痕濺錦韉伏波遺廟在展拜自淒然

弄玉吹簫臺

彩鳳翩然集秦臺五色雲九天迎弄玉豔拂紫霞裙我

亦欲仙去簫聲不可聞空歌渭城曲高柳送斜曛

棧道紀行

秦棧初桃上便疑天盡頭浮嵐蒸作雨伏日冷如秋路  
斷橫枯樹沙平響急流煎茶聊小憩衣帶夕陽留

一白浩無際冥濛曉色迷藤蘿和月挂猿猱隔烟啼村  
落半間屋山田四面梯草涼樓上望風景太淒淒

故道城何有驚心出險遲石尖爭路立泥坼破空垂徑  
缺孤雲補橋欹一木支虺隤安所惜叱馭獨驅馳

茲嶺何殊特扳援廿里長盤岩紆馬足捫壁度羊腸  
開道成周日丹山下鳳凰古巢留截業振羽向岐陽

不見松林驛重陰慘淡時青羊奔浪驟紫栢累峯危  
毒霧蛇飛恐叢林鬼嘯疑猶防泥滑滑冒雨陟欹寄

厯落蠻鄉俗柴關又嶺頭牛腰齊荷鋤人項半垂瘤  
露立香龕佛風搖板屋秋誰憐左擔道彳亍有驂騑

生計甘澆薄流民漸劇荒岩疆分隴蜀種類雜氐羌  
豺虎聲雖靜萑苻盜易藏拊循咨要術山北是邊牆

到此真天獄嵌空窟穴連仄行窮九折下視偏重淵  
站愁將墮猱升勢總懸脚跟先穩著直躡翠微巔  
巨石如雲起人穿石罅行摩天無寸土亘地有長城兕  
甲千軍突狼牙百怪生荔裳詩好在棧道幾曾平

關勢雞頭聳委蛇轉七盤荒唐祠白石聳兀倚朱闌山  
俯褒城近濤翻棧水寒莫愁天地窄南指漢中寬  
彷彿桃源境人家傍水涯香風薰稻麥曲港聚魚鰕日  
影篩叢竹秋容醉蓼花沔陽訪仙令一醉失褒斜



蠶叢通蜀道鑿空此頑山岿冢連岡蠱洄流殷地環五  
丁森鬼斧一線闢天關谿洞殊幽絕風雲不肯閒

甫越黃牛峽旋經白馬氏百牢自今古一水各東西蠻  
女頭蒙帕夷童背著泥明朝入南棧回首武曉低

兩山中忽合洞戶啟浮圖單騎穿龍背層巒捋虎須橫  
橋虹飲似高閣燕飛無滿谷礮礮響溪流日夜趨

萬仞朝天峽憑虛浩浩乎舉頭惟日近信步有雲扶露  
氣凌晨黯江聲激浪麤蜂窠沿赤岸篙眼認模糊

忽墮瀟湘影沙河半日程風颿千葉展雪鷺一江明近  
水詩懷淡今宵險夢平嘉陵三百里妙繪想吳生

振袂飛仙閣家山幾萬重那能化黃鶴南度碧蘿峯懸  
溜下深欄隨風飄遠鐘赭龕千佛在吾欲問禪宗

葭萌西去路形勝扼天雄壞壁嘯烟黑殘陽燒嶺紅尾  
長蛇負壑翅側隼摩空桓水如襟帶奔騰會閬中

白衛何年遇元元付大荒雲頭迎古戍日脚隱高梁獅  
伏浮杯皿螺盤簇戟鉉數峯天外倚夢繞華山蒼

閣道俯崔巍天風挾怒雷三川千古壯萬劔一門開樹  
抱銅柯老秋橫玉壘來使星占益部重與勒銘回

沔縣謁武侯祠

松栢鬱清森如聞梁父吟三分扶漢祚二表瀝臣心戰  
壘環沙磧流泉扣石琴定軍山下路千載陣雲深

入成都

十六年前客重來應使星高秋喧鼓角下吏候郵亭汀  
水盟心白巴山識鬢青天孫機上錦九疊敞雲屏

忽覺

忽覺新涼重西風薄暮吹身多僮僕累心少宦寮知燕  
月憐深坐蠻雲慣遠離那能話秋思小酌桂花卮

興平道中

馬首又秦關匆匆蜀道還茂陵秋雨後鄜時夕陽間落  
葉吹銅笛幽墳訪玉環驛亭殘夢覺始解賦巫山

故關

戰雲飛不起雜沓走風沙一徑開山脊重關聳石牙天

高閣斷雁日暝數歸鴉  
歷亂殘碣在荒村隱暮笳

題蔣小榭小紅雪樓圖

萬樹霏紅雪藏園有舊樓  
孫枝自無恙詩夢冷香留我  
抱隴仙約逢君話勝游  
羅浮踏明月得似故山不

喜楊芝樵至用寄羅荊畦韻

海角忽相聚掀髯一笑開心驚  
八年別足繭萬山來喜  
劇燈花放談深漏箭催  
今宵邊地月疑照定王臺

題厲冠卿太守七世讀書圖

山立數椽屋雲排萬軸籤書香承七葉治行表三廉祖  
德箕裘在君才召杜兼清芬傳藻繪重興拓冰縑

題姚庶常遺照

一舉向空碧飄然鸞鳳羣斯人不可見目斷浙江雲仙  
籍槐廳紀琴歌花縣聞妙蓮無住相重此挹清芬

夢得起句卒成

一鏡天邊月清光奈客何詩情留粵嶠歸夢渡湘波宦  
海風常靜家山樂最多重看當戲綵花影醉顏酡

樂昌道中

昌樂瀧前路漁舟接尾行  
水寒波有骨山禿石無情  
日氣陰晴暗人聲楚粵并  
猶防戎伏莽建策欲移營

小舟戲東筌愉

江入萬峯曲人分一葉船  
隔窓商韻語呼婢遞吟箋  
香近衣仍遠簾橫波又圓  
後先才咫尺相望亦殷然

白馬瀧

殷地雷霆門舟穿白馬瀧  
雪含殘照湧石挾亂流撞徑

偃飛難越篙橫勢不降舊游曾拓眼孤棹下夔江

韓瀧

八代扶衰手胡爲竄逐行至今飛雪浪猶作怒雷鳴坎  
壈存忠直遭逢託聖明撫時增太息敢較錦還榮

小舟撥悶

海上乘槎客歸來此問津短篷低臥水碎石暗磨人似  
占蜂房住都疑蜃室親倘逢舟萬斛蟻虱定稱臣

曉行



衝雪醉骨騰梁園賦未能風聲狂似虎人意凍于蠅山  
市浮孤暝河流枕斷冰歲殘歸路蹇吾亦倦行滕

生春詩

何處生春早春生

玉階中

昇平無量福颺拜有虞風仙樂簫韶應香烟綵仗融  
御園曾待漏曉色上芳叢

何處生春早春生舞蹈中笙笙開

壽宇鞅譯密

仁風

同樂諸天喜長安旭日融苔茵鋪軟繡莫問綺羅叢

何處生春早春生

渙號中師船先鎮海

海日燭禁中嚴奉  
飭水師堵緝

溫樹不搖風

時

臣有以滿  
言獲咎者

好辟星輶采

欽使先後查辦山海關  
及直省閩省要案

空明

藻鑑融重臣今得地一力剪榛叢

兩江兩粵浙閩滇黔  
諸制府均甫奉旨

更調

何處生春早春生親舍中宦游慙孝養儒素念家風

却鮮書頻戒含飴味自融陔華叶笙雅蘭茝又青叢母氏

樂家居不  
兄就養

何處生春早春生棣鄂中連牀同聽雨問訊欲凌風壯

歲名心淡閒身冷趣融阿連才入夢池草已深叢兩弟奉

母讀書泊  
於榮利

何處生春早春生里閭中願予爲舊史有妹比扶風擁

髻牙籤富題箋硯墨融淡香吟欲倦剩稿拾殘叢女弟淑儀

以所著淡香閣  
詩草寄余點定

何處生春早春生寂歷中燭垂常有淚帳冷不因風斷  
句如雲散前塵與雪融綺梅故無恙忍發舊時叢

何處生春早春生逝水中同心已黃土轉眼又東風獨

忍棠誰種澆愁酒未融更無排遣法吾欲住禪叢

笙榆  
歿忽

踰歲已歸  
葬故山矣

何處生春早春生梵貝中淨因花墮雨幻寄葉隨風鏡  
樹原無著頃癡亦漸融偶憑陽管律吹煖出寒叢

何處生春早春生卯角中塗鴉仿門帖蠟燕門鄉風歲  
果摳衣重街泥踏屐融爲呼如願婢然火竈烟叢

何處生春早春生羈旅中雕虫方少日躍馬獨雄風橐

筆從嚴武當關想寶融蜀游俄廿載回首憶蠶叢

庚辰  
辛巳

度歲蜀中是  
爲遠游之始

何處生春早春生小艇中綠回沿岸柳紅颭試燈風虎

阜人如織魚蕢雪乍融寺鐘聲不遠只隔竹千叢

丙戌  
春初

予與賀二虎師勞九辛亥同  
角入吳門薄游虎邱諸勝

何處生春早春生島嶼中雷奔鯤壑浪月滿鯨帆風境

本三山拓光疑十日融瓊臺初弭節青徧稻畦叢

丙申上元

前一日按試渡海新秧早抽針矣

何處生春早春生環碧中一闌梅子雨四壁楝花風揮

扇游絲裊籠紗列炬融飢盤羅菜甲瓜豆久連叢

嶺南氣候

較熱使署環碧園開筵坐花一如夏景

何處生春早春生梁苑中棗饊新歲幣竹爆故園風利

市屠沽集祥霽土脈融汴京名尙爾燈火半蒿叢

自移中州

雨更歲籥未  
嘗作踏燈游

何處生春早春生官閣中幸無領軍面猶有布衣風特

立喬松企同方水乳融簿書閒檢點束筍不成叢

糧餉事簡

戢牘多  
手治之

何處生春早春生轉漕中船頭爭護淩旗脚懶占風地

僻沙爲幕流漸凍欲融榜人時泥飲野店倚荒叢

時豫省糧

艘守凍  
潮旺

何處生春早春生別緒中郵程杳雲樹琴響奏天風知

遇會相得交情久更融瓊林簪杏好拔幟萬人叢

熊雨

樓赴春  
官試

何處生春早春生油幕中塵談皆道氣鶴髮自仙風徐

悟靜者妙常期樂也融不嫌懷刺滅偃仰亂書叢

謂湯薇堂

何處生春早春生講室中香盈書帶草歸詠舞雩風理

輿傳伊洛經師陋馬融况兼冰玉望多士蔚雲叢

心壺前輩

方講學大梁令壻史君  
叔平亦主爨山書院

續和



何處生春早春生破曉中  
衾單偏戀夢窓小恰穿風掩  
映晨曦薄迷離睡味融  
不如雙蛺蝶栩栩百花叢

何時生春早春生午倦中  
繡紋添永晝鈴語度和風寒  
覺鴉啼少香和燕壘融  
巡檐頻小立綠到蔦蘿叢

何處生春早春生薄暮中  
鑪溫留宿火簾悄定微風羣  
動一以息物情相與融  
歸飛驚鴿踏似解避鷗叢

何處生春早春生夜坐中  
樹延雕檻月衣怯剪刀風拂  
軫元音謐煎茶俗累融  
獨探清淨理支蔓闢荆叢

何處生春早春生澹沱中  
莓苔疑積雨楊柳漸迎風  
酒旆嵐光活錫簫暖意融  
燒痕猶徧野芳草忽叢叢

何處生春早春生點滴中  
泥消鴻爪雪晴試鯉魚風  
漏箭參差誤毬場滑澁融  
海棠紅乍露認取玉階叢

何處生春早春生繡錯中  
人迎土牛日天近紙鳶風  
炊溼新烟重犁鬆細雨融  
預呈三日瑞葱翠麥苗叢

何處生春早春生村落中  
筍香殘臘酒花信幾番風  
霧散晴猶嫩谿平凌合融  
客來商剪韭隨意覓蔬叢

何處生春早春生百舌中禽言如喚客柳夢不禁風共  
識繁聲起都緣淑氣融歌喉應按拍錦翼集華叢  
何處生春早春生曲沼中開奩三尺水擘絮五更風縐  
疊清于畫茵浮綠半融尙餘冰細碎斜綴荻蘆叢

游金山題壁

放眼忽空濶江天閱古今樓臺消蜃氣谿壑助龍吟勝  
跡登臨晚清時慨歎深卽須聊一快擊楫有同心  
浮玉盤崖石參差倚碧霄烟橫京口樹風挾海門潮梵

宇羅千佛琳宮拜

兩朝

翠華題詠徧寶宇鏤瓊瑤

言訪焦先宅松寥雙髻了負山收暝色背水簇霜花藏  
器知何代栖禪未是家汗青遺墨永赤手拔鯨牙

我輩論期許遑云秉燭遊安危天下計宵旰

至尊憂地險資專閫神機想運籌狂瀾竟誰挽砥柱在  
中流

甲辰秋闈贈主試甘薪圃太史

昨日龍門啟天光忽一新  
盪胸蟠二華豁眼瞰三秦  
玉尺裁量密丹臺契合真  
舊游懷楚澤小草亦秋紉

鎖院環鈴鐸清宵覺嫩涼  
當官無道力結習有文章  
江

海事多棘岩疆髻欲蒼  
因君崇晚節老圃愛寒香

詩題用魏

公句故云

贈主試陳子嘉太史

湖海今無敵西秦綺節聯人皆尊嶽峙天亦助晴妍  
虹

氣當年吐

君乙未春捷予時亦與分校

犀光永夜然文衡本家學兩

代說乘蓮

子嘉爲荔峯侍郎前輩令子

曾上韓侯嶺叢祠石墨留

祠有尊甫石刻

摩挲一彈指手澤尙

存不雲棧牽殘夢風簷問好秋汝陽不可見明月在蘭

州

謂同年許吉齋太守

邢臺懷陳海陽

時令長垣

昔在邢臺道斜陽樹色昏故人瞥相遇驚喜萬千言永  
夕明蟾坐凌晨去馬喧五年尋舊跡離思向長垣

送羅五芝鹿還長沙

黃葉下扁舟天涯已倦游  
關河雄太華烟雨黯蘇州  
久聚忍相別臨歧還少留  
江風知送客吹水向南流  
我亦欲歸去其如負擔何  
論心三大息揮手一高歌  
薄宦故交遠中年鄉思多  
因君告予季豪氣半銷磨

別吳門同官諸子

又向胥門別恩恩未弔年  
兩番成小住百計舊空拳  
高下無腴壤東南有漏天  
臨歧愧遮道揮手更流連

舟過鎮江

瓦礫漸闌闌重開鐵甕城高秋四山出初月一江明天  
塹雄關鍵人工仗礮兵金陵握全局三載費經營

廣濟道中

卻指雙城驛西連蘄鄂間白鷗流水淡紅樹夕陽殷古  
寺欲迷路人家半枕山愛他石磯叟坐任釣絲閒  
郵程頻戒旦疆域此區分離夢隨杭渡鄉音入楚聞竹  
香多近水石氣細生雲明日黃州道蘇祠拜使君



武昌贈陳花農

嶺嶠一判袂重逢在鄂城  
合離增老境出處共勞生  
家近遲歸計途長耐曉征  
舊巢多睠戀客主廿年情  
謂餘山官保

東道

東道問誰主西風吹未平  
濕雲低欲雨遠樹密于城  
霜信傳鴉點離心逐雁聲  
蒲圻杳何處山暮半榛荆

萬年庵和吳荆山前輩韻

雙溪激流水畧釣馬蹏喧古刹空山抱殘經法雨翻茶  
香契禪悅塲詠憶慈恩元宰歇心處重參甘露門

別大姊二妹

一別忽九載相思骨肉深童年忍回首家事半傷心宅

相成吾願

謂繩孫

門衰苦自禁

謂淑儀

絮談不知曙燭淚夜

窓沈

別兩弟

離緒幾千萬連牀夜話真送迎如過客聚散太勞人門

戶資子弟巖疆任此身  
陔華笙潔養好與奉慈親

辰龍關

關勢立崔巍辰龍亦壯哉  
山嵐蒸驟雨泉響挾輕雷  
驢磨陳因在雕盤仄徑開  
枕霞三載任策馬獨徘徊

安順道中

畫地形如燒蓬人面欲黔  
碁殘橫石卵笠小冒山尖  
鴈堠塗丹赭驪鞍負黑鹽  
問津過白水何處覓珠簾

白水河望瀑布

小雨溼蒙龍雲陰路幾重卻從深磴渡時復亂流淙一  
氣懸青嶂千盤走白龍銀河快傾瀉爲我滌塵胸

耶岱道中

耶岱杳何處霧霏溼曉裝四山墮雲海一騎俯青蒼歷  
險心如石衝寒鬢有霜巖關撐打缺卓午尙迷茫

松歸關

籃輿松歸上曲折繞圍牆叢竹藏山寺疎林畫夕陽牧  
童歸犢緩飯片晚炊香頗似吾鄉景迢迢天下方

題歸易民傳笏圖

世運當陽九空懷宗社憂兩言勝三策一笏足千秋手  
澤琴川永心傳易註留披圖重太息忠愛溯前修

題謙谷上人梯山航海圖

飛錫自來去旃檀香有無閒雲渾不著山海一團薄我  
亦抱遐想東南困未蘇慈航如可借彈指靜天吳

贈于蓮亭前輩將游茅山

句曲神仙窟清吟上界聞雜花初作雨健步欲生雲老

得烟霞趣閒尋鸞鶴羣幾時息塵鞅爲我訊茅君

送黎樾喬侍御南歸

一鶚下青天風霜秋颯然直聲在朝野歸志肯林泉同  
調苦無幾分仔誰與肩予懷亦將母把酒話纏綿

自題袁浦泛月圖

得暇此邀月清光徐上船市鐙明不夜隄柳淡于烟風  
定茶香聚波平開影偏圖成復延佇歸棹指江天

答法可盒觀察仍用袁浦泛月韻

小住獨悵悵心堆如在船  
嶺鳥寒欲雪鑪鴨悄無烟  
地遠何方縮省長不寐  
獨君苦妙禪理清磬徹諸天